

阿姆个私胥菜 作者 徐熏嫻

日頭算絲無聲無說穿過老頭擺个記憶
定定仔徒步行入灶下
輕手輕腳掌過盆頭鉢仔
想尋園在腦隔肚个一種味緒
該係阿姆守顧下來个私胥菜

米油鹽蒜頭在大灶跳上跌落噼噼響
番瓜炆入大鑊，燴到自家氣氣呼呼
香味在鑊剷脣捩捩轉，等一齣火過
赤赤个飯爇一眨
又係一餐淦黃肚飽个童年

綯纏自家个志氣贏過算命仙个手指頭
勤儉來做家，鹹纖鹹纖个汗水就係平安綦
綦落泥，泥卵孵出歸田坵个蘿蔔頭來幫襯
搵搵扞扞刷出幾下腳盆个子哀情
撮一撮蘿蔔絲煎卵
一盤合合上个慘菜，像天頂个月娘
餵飽大大細細等天光

三牲敬阿公婆，聖筊確確係無擢忒个虔誠
一料豬肉、一尾魷魚、幾埕豆腐干噉香客家名聲
淦淦个香氣，一無細義嘎跌落飯甑下
凝成一窟堅堅个孤栖，搵出醺醺个鄉氣
泔兜仔思念鼓香，錫轉天背遠个心焦

結疔个手巴掌，綯毋核時代个腳步
分風霜交到必必个手路菜，本本無過套
桌頂項來來去去个筷影係人文
挾出字眼落落跌
這兜私胥菜，跌落桌心來做詩

